

Cronfa Datblygiadau Strategol y Coleg: cynllun grantiau bach

Dyddiad: 16 Tachwedd 2016

Cyfeirnod: 16/01

I: Penaethiaid sefydliadau addysg uwch Cymru, Grŵp Ymgynghorol y Coleg Cymraeg Cenedlaethol, cydlynwyr darpariaeth cyfrwng Cymraeg sefydliadol a Swyddogion Cangen.

Ymateb Erbyn: 12:00, 10 Ionawr 2017

Cyswllt: Catrin Williams

E-bost: c.williams@colegcymraeg.ac.uk

Mae'r cylchlythyr hwn yn gwahodd ceisiadau am grantiau bach i'w dyfarnu o Gronfa Datblygiadau Strategol y Coleg.

Mae'r ddogfen hon ar gael ar wefan y Coleg Cymraeg Cenedlaethol

Cylchlythyr Grantiau Bach

Cefndir

1. Mae'r cylchlythyr hwn yn amlinellu'r trefniadau ar gyfer cyflwyno ceisiadau am Grantiau Bach o Gronfa Datblygiadau Strategol y Coleg Cymraeg Cenedlaethol [y Coleg].
2. Gwahoddir ceisiadau am Grantiau Bach i gyllido neu gefnogi prosiectau na fyddant yn parhau am yn hwy na blwyddyn, ac na fydd angen cyfraniad o fwy na £2,500 oddi wrth y Coleg.
3. Amcan y Gronfa Grantiau Bach yw cefnogi mentrau arloesol, gan gynnwys prosiectau unigol, a fydd yn helaethu a/neu'n cyfoethogi'r ddarpariaeth addysg uwch cyfrwng Cymraeg, neu'n cyfrannu mewn rhyw ffordd arall at gyflawni amcanion Cynllun Academaidd y Coleg. Croesewir ceisiadau am brosiectau a fydd yn arwain at gynhyrchu adnoddau addysgol, cyhoeddiadau, neu ddarpariaeth yn ogystal ag ymchwil personol.
4. Mae'r Coleg yn awyddus i wahodd ceisiadau am gyllid i gefnogi amrywiaeth o weithgareddau a datblygiadau. Fodd bynnag y mae rhai gweithgareddau sydd yn cael eu cyllido gan y Coleg mewn ffyrdd eraill, neu sydd yn anaddas i'w cefnogi drwy'r Cynllun Grantiau Bach. **Gofynnir i'r sawl sy'n cyflwyno ceisiadau i beidio â chynnwys y canlynol oddi mewn i geisiadau:**
 - Ceisiadau am gyllid i ryddhau amser darlithwyr er mwyn cyflawni ymchwil os y'u cyflogir eisoes ar gytundeb dysgu ac ymchwil mewn sefydliadau;
 - Ceisiadau am gyllid i ddatblygu adnoddau er mwyn cefnogi sgiliau iaith a/neu sgiliau astudio myfyrwyr;
 - Ceisiadau am gyllid i gefnogi digwyddiadau neu ddatblygiadau sydd eisoes wedi digwydd;
 - Ceisiadau gan unigolion nad ydynt yn aelodau o'r Coleg (yn unol ag amodau'r Cylchlythyr);

- Ceisiadau'n ymwneud â gweithgareddau a gyllidir eisoes gan y Coleg (e.e. gwaith gan ddarlithwyr a gyllidir gan y Coleg neu waith a gwblheir dan un o brosiectau cenedlaethol y Coleg);
- Ceisiadau sy'n ymwneud â gweithgareddau marchnata prifysgolion unigol yn unig;
- Ceisiadau yn ymwneud â maes Hyfforddiant Cychwynol Athrawon;
- Ceisiadau am gostau modiwlau neu weithgareddau cydweithredol (dyfarnwyd rhestr o fodiwlau a gweithgareddau i'w cefnogi yn 2016/17 eisoes a gwahoddir y cylch nesaf i'w cefnogi yn 2017/18 yn y gwanwyn);
- Ceisiadau i gyllido costau trefnu a chynnal cynadleddau (dyfarnwyd rhestr o gynadleddau i'w cefnogi yn 2016/17 eisoes a gwahoddir y cylch nesaf i'w cefnogi yn 2017/18 yn ddiweddarach yn y flwyddyn academaidd.);
- Ceisiadau gan unigolion sydd eisoes wedi derbyn Grant Bach, lle nad yw'r gwaith eto wedi'i gwblhau.

Ceisiadau

5. Gwahoddir ceisiadau am Grantiau Bach gan aelodau o'r Coleg yn unig (aelodaeth staff) drwy'r ffurf a nodir yn Atodiad A.
6. Gall pob sefydliad gyflwyno hyd at bum cais, ond ni chaniateir mwy nag un cais gan unrhyw unigolyn o fewn un cylch o geisiadau. Disgwylir hefyd i bob unigolyn gwblhau prosiect Grant Bach blaenorol o'i eiddo cyn cyflwyno cais am Grant Bach arall. Ni chaniateir ymgeisio am Grant Bach os oes gan yr ymgeisydd Grant Bach ar waith.
7. Rhaid i bob cais gael ei arwyddo ar ran y sefydliad gan gynrychiolydd awdurdodedig, gan sicrhau y dilynwyd prosesau sefydliadol. Dim ond un unigolyn ddylai gael ei nodi fel rheolwr y prosiect.
8. Cyhoeddir y penderfyniadau ar ddyfarniadau o'r cylch hwn o geisiadau drwy gylchlythyr.
9. Dylid cyflwyno ceisiadau erbyn **12:00, 10 Ionawr 2017**. Ni dderbynnir ceisiadau a gyflwynir wedi'r dyddiad hwn, ac ni fydd modd addasu neu

ddiwugio ceisiadau wedi'r dyddiad hwn. Disgwylir manylion cyllidol llawn o fewn y cais, a gall y Panel Dyfarnu osod amodau ar y gyllideb na fydd yn newid ar ôl y dyfarniad.

10. Os nad yw allbwn y grant yn cael ei gynhyrchu neu ei ddarparu oddi fewn i'r amserlen a gytunwyd ac yn unol ag unrhyw amodau a nodwyd, ni fydd modd i'r unigolyn wneud cynnig am Grant Bach arall am 3 mlynedd.

Gofynion eraill

11. Yn dilyn cwblhau'r prosiect bydd angen cyflwyno adroddiad byr yn nodi cynnyrch y prosiect, ynghyd â manyleb ariannol lawn a gymeradwywyd gan swyddfa gyllid y brifysgol.

12. Amod o'r cyllido yw bod pob unigolyn sy'n derbyn Grant Bach yn darparu ar ddiwedd y prosiect adroddiad mewn ffurf addas i'w gyhoeddi fel erthygl academaidd byr (600 - 1,000 gair) yn 'Ffrwd' *Gwerddon* (a thrwy unrhyw gyfrwng cyhoeddi arall y tybia'r Coleg sy'n briodol).

13. Bydd unrhyw gais sy'n nodi cyflwyno erthygl i *Gwerddon* fel allbwn i'r grant yn gorfod cyflawni hynny. Serch hynny, nid erthygl yw'r allbwn mwyaf addas ym mhob achos, a dylid ystyried hynny cyn nodi hynny yn y cais fel allbwn arfaethedig o'r prosiect.

14. Lle bo hynny yn berthnasol, bydd unrhyw adnoddau a ddatblygir ar ôl derbyn cyllid drwy'r Gronfa Grantiau Bach yn cael eu gosod ar lwyfannau e-ddysgu'r Coleg, e.e. Y Porth, Llyfrgell y Coleg, Yr Esboniadur a/neu safle iTunes U y Coleg. Os yw'r Coleg yn barnu nad yw'r allbwn yn addas ar gyfer ei leoli ar un o'r llwyfannau yma bydd amodau eraill yn cael eu nodi..

15. Gellir cysylltu â Swyddog Cyhoeddiadau'r Coleg (Mari Fflur m.ffmpeg@colegcymraeg.ac.uk) os am wybodaeth bellach ynglŷn â datblygu adnodd/cyhoeddiad ar ffurf briodol sy'n addas ar gyfer llwyfannau e-ddysgu.

16. Trwyddedir adnoddau/cyhoeddiadau ar lwyfannau e-ddysgu'r Coleg o dan drwydded *Creative Commons* e.e. [CC BY-SA 4.0](#) oni bai y ceir amgylchiadau arbennig, ac y cytunwyd yn ysgrifenedig ar yr amgylchiadau arbennig hynny gan y Coleg cyn dyfarnu'r grant. Cyfrifoldeb rheolwr y prosiect yw sicrhau bod cyfranwyr yn ymwybodol o'r drefn hon, ac yn cydsynio iddi. Cyfrifoldeb rheolwr y prosiect yw clirio hawlfraint. Dylid nodi ar ba ffurf y rhagwelir cyhoeddi neu lwyfannu unrhyw adnodd a fydd yn deillio o'r prosiect a pha gamau a gymerir er mwyn gosod trwydded *Creative Commons* ar yr adnodd. Eto, gellir cysylltu â Swyddog Cyhoeddiadau'r Coleg (Mari Fflur m.fflur@colegcymraeg.ac.uk) os am wybodaeth bellach ynglŷn â chanllawiau cyhoeddi'r Coleg
17. Deuddeg mis fydd cyfnod hiraf unrhyw brosiect, a bydd angen dychwelyd unrhyw gyllid na wariwyd yn ystod y cyfnod hwnnw. Os yw'r amserlen yn newid am resymau y tu hwnt i reolaeth y rheolwr prosiect, yna dylid cysylltu'n uniongyrchol â Swyddog Prosiectau'r Coleg (Catrin Williams c.williams@colegcymraeg.ac.uk) gyda chais am estyniad.

Ymholiadau pellach

18. Dylid cyfeirio unrhyw ymholiadau am grantiau bach ar e-bost at Catrin Williams yn y lle cyntaf. (c.williams@colegcymraeg.ac.uk)

ATODIAD A

Teitl y Prosiect:	
Enw rheolwr y prosiect:	
E-bost:	
Rhif ffôn:	
Rhif aelodaeth:	
Sefydliad:	
Dyddiad cychwyn:	
Dyddiad gorffen:	
Cyfanswm Grant:	


1. Amlinelliad cryno o'r prosiect arfaethedig (heb fod yn hwy na 500 gair)

--


2. Amserlen a chyllideb arfaethedig y prosiect (dylid rhoi nodiadau manwl yn yr adran hon; gall y Panel Dyfarnu osod amodau ar y gyllideb a ni fydd swm y grant yn cael ei newid ar ôl y dyfarniad.)

Amserlen	Gweithgaredd	Cost
	Cyfanswm	

3. Ffynonellau cyllid eraill (os yn berthnasol)



4. Cynnyrch y prosiect (heb fod yn hwy na 250 gair)



Arwyddwyd gan y rheolwr prosiect arfaethedig:

Arwyddwyd gan y sefydliad:

Dyddiad: